

Menús

Ruta: Administrar > Construcción da páxina > Menús

The screenshot shows the 'Menús' administration page in Drupal. At the top, there is a breadcrumb trail: 'Inicio » Administrar » Construcción da páxina'. Below this, the page title is 'Menús'. There are four tabs: 'Lista' (selected), 'Engadir elemento de menú', 'Engadir menú', and 'Opcións'. A text block explains that menus are collections of links (menu options) used for navigation, and lists available menu options. Below this, there are two sections: 'Cron' and 'Enlaces secundarios'. Each section has a list of actions: 'Editar', 'Borrar', and 'Engadir elemento'. At the bottom of each section is a table with columns for 'Elemento do menú', 'Expandido', and 'Operacións'. The 'Cron' section has one row: 'Lanzar cron' with operations 'editar', 'desactivar', and 'borrar'. The 'Enlaces secundarios' section has four rows: 'Contidos', 'Portal educativo', 'SEM Correo', and 'Mapa do sitio', each with operations 'editar', 'desactivar', and 'borrar' (except for 'Mapa do sitio' which has 'reinicar' instead of 'borrar').

Inicio » Administrar » Construcción da páxina

Menús

Lista Engadir elemento de menú Engadir menú Opcións

Os menús con unha colección de ligazóns (opcións de menú) que se empregan para navegar por unha sede web. Os menús que está dispoñibles neste momento, xunto coas súas opcións. Seleccione unha operación da lista para modificar un menú.

Cron

- [Editar](#)
- [Borrar](#)
- [Engadir elemento](#)

Elemento do menú	Expandido	Operacións
Lanzar cron		editar desactivar borrar

Enlaces secundarios

- [Editar](#)
- [Borrar](#)
- [Engadir elemento](#)

Elemento do menú	Expandido	Operacións
Contidos		editar desactivar borrar
Portal educativo		editar desactivar borrar
SEM Correo		editar desactivar borrar
Mapa do sitio		editar desactivar reinicar

O concepto [Menú](#) en Drupal engloba dous conceptos relacionados pero diferentes: os menús e os elementos de [menú](#).

Os **elementos de menú** sempre colgan dun elemento principal ao que denominamos **Menú**.

Os **menús** diferéncianse funcionalmente dos **elementos de menú** en que só poden ser creados manualmente (agás certo tipo de menús especiais como veremos máis adiante).

Menú

Departamentos

- Editar
- Borrar
- Engadir elemento

Elemento do menú	Expandido	Operacións
Departamentos (desactivado)	Non	activar reiniciar
- Educación física		editar desactivar
- Física e química		editar desactivar
- Linguas clásicas		editar desactivar
- Linguas estranxeiras		editar desactivar
- Matemáticas		editar desactivar
- Orientación		editar desactivar

elementos de menú

En canto aos elementos de **menú** podemos dicir que principalmente existen dous tipos:

- **Elementos de menú estáticos:** creados manualmente polo usuario. Só é recomendable utilízalos cando enlazamos páxinas externas á nosa, por exemplo, un enlace a Google..
- **Elementos de menú dinámicos:** créanse a partir das categorías, e é por iso que disfrutan do alto número de funcionalidades dinámicas que teñen estas (permisos, xestión...)

Percorrendo a pantalla de configuración **Menús** vemos as seguintes 4 pestanas:

Menús

Lista Engadir elemento de menú Engadir menú Opcións

A continuación, explicamos detidamente o contido das mesmas.

Pestana "LISTA"

- **Lista:** nesta fiestra vemos todos os menús que hai creados na páxina. As súas partes son as seguintes:
 - **Título do menú:** en cor gris, é o nome que lle demos na pestana **Engadir Menú** cando foi creado.
 - **Editar:** accederíamos á mesma pantalla que cando creamos o **menú** en **Engadir Menú**. Só poderemos modificarlle o nome.
 - **Borrar:** elimina o **menú**. Se un **menú** ten elementos de **menú** no momento de ser eliminado, estes pasarán a formar parte do **menú** de **Navegación** (**menú** especial que sempre está presente).
 - **Engadir elemento:** Accederíamos deste xeito á pantalla **Engadir elemento de menú**, que veremos a continuación. Permite engadir un elemento de **menú** estático dentro do **menú** actual.
 - **Elemento de menú:** Cada un dos enlaces que colgan do **menú**. Estes enlazarán categorías cando sexan dinámicos ou sitios concretos se son propiamente ditos elementos de **menú** (estáticos). Se os elementos de **menú** teñen un ou máis guións, indicará que colgan dalgún pai, e ó mesmo tempo este elemento pai pode colgar doutros.
 - **Expandido:** esta configuración indica se os elementos fillos se amosan despregados ou contraídos.
 - **Operacións:** permítenos actuar sobre os elementos de **menú**, xa sexan dinámicos ou estáticos, para **editalos** novamente, **desactivalos** ou **borrar** (elementos de menús estáticos) ou **reinicialos** (elementos de **menú** dinámicos) Ao reiniciar un elemento de **menú** dinámico volve a quedar relacionado no **menú** de **Navegación** que, como xa temos explicado, é onde orixinariamente quedan asociados ao converter unha categoría en **menú** mediante a opción de **Taxonomía - Menú** (apartado 2.1 do curso).

Enlaces secundarios

- **Editar**
- **Borrar**
- **Engadir elemento**

Elemento do menú	Expandido	Operacións
Contidos		editar desactivar borrar
Portal educativo		editar desactivar borrar
SEM Correo		editar desactivar borrar
Mapa do sitio		editar desactivar reiniciar

Pestana "ENGADIR ELEMENTOS DE MENÚ"

- **Engadir elementos de [menú](#)** (estáticos):
 - Os **elementos de [menú](#)** permítennos principalmente enlazar a páxinas externas e integralas na árbore de menús (Lista) da aplicación. Configurar unha web dinámica en base a contidos enlazados a través de elementos de [menú](#) estáticos sería un erro, polo que non o recomendamos, salvo para determinadas e contadas ocasións. Dentro da ficha de creación de elementos de [menú](#) atopamos os seguintes campos:
 - **Título:** é o nome do elemento de [menú](#).
 - **Descrición:** a descrición amósase cando, unha vez creados, detemos o rato enriba do elemento do [menú](#) sen clicar nel.
 - **Ruta:** indicaremos a [URL](#) coa cal queremos enlazar. Aínda que podemos indicarlle unha ruta interna da páxina, isto só nos servirá en contadas ocasións. Por norma xeral, utilizaremos esta opción para enlazar páxinas externas (Correo Edu, Portal Educativo, Google, Proxecto Webs Dinámicas, etc...).
 - **Expandido:** como dun [menú](#) poden colgar outros, se seleccionamos esta opción de **Expandido** estes fillos amosaranse de xeito predeterminado.
 - **Elemento pai:** tratándose dun elemento de [menú](#), utilizaremos este despregable para seleccionar de onde vai colgar o enlace que estamos a crear. Cando seleccionamos a opción de Engadir elemento directamente desde o [menú](#) (como vimos no punto anterior), entón como elemento pai xa figura o [menú](#) en cuestión.
 - **Peso:** Co peso indicase a posición relativa que vai ter con respecto o resto dos vocabularios ou termos, segundo sexa o caso, que estean no mesmo nivel. Sendo ordenados de menor a maior peso, aparecendo na parte superior os de menos peso. No caso de ter o mesmo peso ordénase alfabeticamente. Como recomendación, non é aconsellable variar o peso aquí, senón que sería mellor facelo nas categorías, excepto, loxicamente, para os elementos de [menú](#) estáticos.

Menús

Lista Engadir elemento de menú Engadir menú Opcións

Introduza o título, a ruta, a posición e o peso da nova opción do menú.

Título: *

O nome da opción do menú.

Descrición:

A descrición que se amosa cando se pasa por enriba dun elemento do menú.

Ruta: *

A ruta coa que liga esta opción de menú. Pode ser unha ruta interna de Drupal como `node/add` ou unha URL externa coa páxina principal.

Expandido
Se está seleccionado e este menú ten fillos, o menú sempre aparece expandido.

Elemento pai:

Navegación

Peso:

0

Opcional. No menú, os elementos pesados afúndense e os lixeiros flotan cara a zona superior.

Enviar

Pestana "ENGADIR MENÚ"

- Un [menú](#) é parte principal das árbores de menús, a raíz do [menú](#). Del poden colgar tanto elementos de [menú](#) (estáticos) ou categorías transformadas en [menú](#) (dinámicos). Cada vez que creamos un [menú](#). Posteriormente falaremos dos bloques, pero xa adiantamos que cada vez que se crea un novo [menú](#) xa se crea tamén un [bloque](#) na lista de bloques.
- Unha vez teñamos engadido un novo [menú](#), automaticamente volveremos á pestana de Lista, onde xa podemos localizar o [menú](#) recién creado, que aparecerá ao comezo da lista.

Menús

[Lista](#)[Engadir elemento de menú](#)[Engadir menú](#)[Opcións](#)

Introduza o nome do menú novo. Recorde activar o bloque novo que se crea na [páxina de administración de bloques](#).

Título: *

O nome do menú.

Menús

[Lista](#)[Engadir elemento de menú](#)[Engadir menú](#)[Opcións](#)

Os menús con unha colección de ligazóns (opcións de menú) que se empregan para embaixo amosan os menús que está dispoñibles neste momento, xunto coas súas lista para xestionar cada menú ou opción de menú.

Engadiuse a opción de menú *Novo menú*.

Novo menú



- [Editar](#)
- [Borrar](#)
- [Engadir elemento](#)

Elemento do menú **Expandido** **Operacións**

Ningún elemento de menú definido

Drupal trae configurados por defecto uns menús que veremos máis abaixo, na sección Menús con comportamentos especiais, pero ademais destes, os responsables do **Proxecto Webs Dinámicas** creamos un modelo específico cuns menús pre-configurados para os centros educativos:

- O Centro
- Actividades
- Alumnado
- Pais/Nais
- Departamentos
- Profesorado
- Biblioteca
- Revista escolar
- Suxerencias

Estes menús a maiores están postos a modo de exemplo e como punto de partida para iniciarse e familiarizarse no uso de Drupal, pero cada centro pode modificalos, eliminalos ou crear outros propios.

Unha vez que creamos un [menú](#) debemos configurar que elementos colgan del para poder continuar traballando. Antes de ver como realizar esta acción, sigamos vendo o resto de opcións dispoñibles. Ao final deste documento, indicaremos de forma resumida cales son os **puntos básicos para crear un menú** tanto dinámico (a partires das categorías creadas anteriormente) como con elementos estáticos (enlaces a [URL](#)'s externas).

Pasos para a creación dun novo **menú** dinámico

- Imaxinemos que no noso [sitio](#) Drupal **creamos unha nova categoría** coa seguinte estrutura:
 - Vocabulario: **Deportes**
 - Termo 1: **Baloncesto**
 - Termo 2: **Balonmán**
 - Termo 3: **Tenis**
- Unha vez creada esta Categoría iremos a opción **Taxonomías-Menú** (Administrar > Configuración da páxinas > Taxonomías-[Menú](#)) e seleccionamos a opción **Normal** dentro da Categoría Deportes recién creada. Unha vez gardados os cambios xa observamos que Deportes aparece como unha opción dentro do [menú](#) de [Navegación](#) do usuario [Administrador](#).
- O seguinte paso será **crear un novo menú** (Administrar > Construción da páxina > Engadir [menú](#)) o cal, **importante, levará por Título o mesmo nome que lle puxemos ao Vocabulario da Categoría.**
- Creado o novo menú Deportes, a aplicación sitúanos automaticamente na **Lista** de menús. Descenderemos pola lista de menús ata atopar o [menú](#) de [Navegación](#), onde buscaremos a opción correspondente coa categoría creada, no noso exemplo Deportes. Unha vez localizada tamén podemos observar como aparecen dependentes desta categoría os termos creados: no noso exemplo, Baloncesto, Balonmán e Tenis (obsérvese a imaxe seguinte).

Elemento do menú	Expandido	Operacións
A miña conta	Non	bloqueado
Artigos recentes		editar desactivar
Audio	Non	editar desactivar
Deportes	Non	editar desactivar
- Baloncesto		editar desactivar
- Balonmán		editar desactivar
- Tenis		editar desactivar
Libros (desactivado)	Non	activar
NOME APELIDOS	Non	editar desactivar

Agora será o momento de mover esta opción de Deportes para que abandone o [menú](#) de [Navegación](#) e pase a depender (pai) do [menú](#) creado para ela, que leva o seu mesmo nome. Trátase de mover a Categoría Deportes do [menú](#) de [Navegación](#) ao [menú](#) Deportes. Para facer isto debemos de premer sobre o opción editar que aparece na fila de Deportes.



Na ficha de edición do elemento de [menú](#) cambiaremos o Elemento pai de forma que o pasemos de [Navegación](#) ao [menú](#) desexado, no noso exemplo Deportes. Deste xeito coincidirán o Título do elemento do [menú](#) co Elemento pai (porque decidimos que o novo [menú](#) se chamaría igual que o Vocabulario da Categoría).

[**Truco:** para localizar no despregable o [menú](#) desexado, unha vez que o teñamos despregado podemos premer no teclado sobre a letra inicial do [menú](#) buscado ("d" neste caso). Así seleccionárase o primeiro [menú](#) que atope que comece por esa letra. Se temos sorte xa aparecerá o desexado e se non, estaremos máis preto)]

Na seguinte imaxe podemos ver o resultado final, comparado coa situación inicial

Editar elemento de menú

Título: *

O nome da opción do menú.

Descrición:

A descrición que se amosa cando se pasa por enriba dun elemento do menú.

Ruta:
[category/10](#)

Expandido
Se está seleccionado e este menú ten fillos, o menú sempre aparece expandido.

Elemento pai:

Peso:

Opcional. No menú, os elementos pesados afúndense e os lixeiros flotan cara a zona superior.

Imaxe superior: situación orixinal

Editar elemento de menú

Título: *

O nome da opción do menú.

Descrición:

A descrición que se amosa cando se pasa por enriba dun elemento do menú.

Ruta:
[category/10](#)

Expandido
Se está seleccionado e este menú ten fillos, o menú sempre aparece expandido.

Elemento pai:

Peso:

Opcional. No menú, os elementos pesados afúndense e os lixeiros flotan cara a zona superior.

Imaxe superior: situación final

Nota: Debemos ter en conta que os Menús aparecen aliñados a esquerda (Deportes). Os Vocabularios asociados aos menús aparecen sangrados mediante dous guións (--Deporte), e os termos aparecerán sangrados con catro guións (----Baloncesto). Así que sempre buscaremos os menús que estean aliñados á esquerda completamente, sen guións.

Nestes momentos teremos xa a categoría (co seu Vocabulario e os termos) asociada ao [menú](#) correspondente.

Deportes

- [Editar](#)
- [Borrar](#)
- [Engadir elemento](#)

Elemento do menú	Expandido	Operacións
Deportes	Non	editar desactivar reiniciar
- Baloncesto		editar desactivar
- Balonmán		editar desactivar
- Tenis		editar desactivar

Para finalizar este proceso só nos queda **desactivar o nome do Vocabulario**. Deste xeito evitaremos que se repita na vista da páxina o nome do **Menú** e o nome do **Vocabulario**, xa que ambos coinciden. Esta acción realizámola simplemente premendo sobre o botón desactivar situado na liña do Vocabulario a aceptar dito cambio. Agora o [menú](#) quedaría como se ve na imaxe.

Desactivouse a opción do menú.

Deportes

- [Editar](#)
- [Borrar](#)
- [Engadir elemento](#)

Elemento do menú	Expandido	Operacións
Deportes (desactivado)	Non	activar reiniciar
- Baloncesto		editar desactivar
- Balonmán		editar desactivar
- Tenis		editar desactivar

Vocabulario desactivado

Resumo

Para a creación de Menús na nosa páxina deberemos de realizar os seguintes pasos:

1. Crear unha **Categoría** co seu **Vocabulario** e os seus **Termos**.
Administrar > Administración do contido > Categorías
2. Ir ao **Taxonomías-Menú** e activar a opción **Normal** para a Categoría recién creada.
Administrar > Configuración da páxina > Taxonomías-Menú
3. Ir a **Menús** e crear un **novο Menú** que levará o **mesmo nome** que lle demos á Categoría.
Administrar > Construcción da páxina > Menús
4. Buscamos dentro do menú de **Navegación** o elemento de menú correspondente coa Categoría. Editamos este Vocabulario e **substituímos o elemento pai** de **Navegación** polo **Menú** creado no punto anterior.
5. **Desactivamos** o nome da Categoría para que non se repita posteriormente na páxina.
6. Só nos queda facer visible o **Bloque** correspondente e situalo no lugar desexado
Administrar > Construcción da páxina > Bloques

(mostramos a continuación a xestión dos Bloques).